

洪憲元年二月二十八日星期一第五十三號

政事堂印鑄局發行

北京東長安牌樓王府井大街
電話東局二百零一號

政府公報

本報價目

- 一本報按照陽曆每日出報一號
 - 一定購三月者收回大洋二元三毛
 - 一定購長年者收回大洋八元
 - 一外埠購報每半年加郵費洋一元
 - 一定購一月者收回大洋八毛
 - 一定購半年者收回大洋四元五毛
 - 一零售每號銅元五枚以本日為限
 - 一裝訂每月收回大洋一毛五分不裝訂者聽
- 如送報夫役私自加價請告知本局以便查究是為至要

目錄

命令

國務卿奏據銓叙司詳稱核議萬樹芳奉獎六等嘉禾章勳等重復擬請改為傳令嘉獎摺

陸軍部奏請簡陸軍第六師步兵第二十二團礮兵第六團團長人員暨薦任汪樹信等充任營長并請暫緩覲見摺

陸軍部奏請簡團長員缺并懇准緩覲摺

陸軍部奏遵請將向友益等補授陸軍實官摺

(附單)

蒙藏院片奏輔國公隨員索爾胡巴雅爾可否賞給副都統俸請摺

直隸巡按使朱家寶奏耆儒王淋溥懇恩給予匾額摺

山西巡按使金永片奏現任山西省會警察廳長靳鞏請准以縣知事分發任用並交存記摺

昌武將軍督理江西軍務李純奏覈准免試知事梁震湘現供要職擬懇援案准免考詢先予分發並緩覲見摺

襄武將軍督理湖北軍務王占元奏旅長王懋賞等謝恩並請緩覲摺

察哈爾都統張懷芝奏察哈爾正黃旗滿洲理刑員外郎恆溥剝索被控查覆屬實擬請先行褫職發交法庭訊辦摺

察哈爾都統張懷芝奏委任分省人員邊度春

暫代豐鎮縣知事並懇准將該員留察任用
以資治理摺

駐美利堅合衆國兼駐古巴國特命全權公使
顧維鈞奏恭報補遞國書原本日期摺

都肅政史張元奇奏恭謝鴻恩并報任事日期
摺

飭

外交部飭
司法部飭

教育部飭二則

示

農商部示(續)

公電

大理院覆湖南高等審判廳電 (統字第三百九十二號) 附來電

大理院覆四川高等審判分廳電 (統字第三百九十四號) 附來電

大理院覆福建高等審判廳電 (統字第三百九十七號) 附來電

通告

陸軍訓練總監通告

大理院刑一庭公開審判案件日時通告二則

大理院刑二庭公開審判案件日時通告

廣告

大理院民一庭公開審判案件日時通告

命令

政事堂奉

策令特授張鵬舞以勳五位此令

政事堂印

洪憲元年二月二十七日

國務卿陸徵祥

政事堂奉

策令張鵬舞授為陸軍少將此令

政事堂印

洪憲元年二月二十七日

國務卿陸徵祥

政事堂奉

策令黃占春陳體先均給予四等嘉禾章此令

政事堂印

洪憲元年二月二十七日

國務卿陸徵祥

政事堂奉

策令劉興夔包維棟均給予五等文虎章此令

政事
堂印

洪憲元年二月二十七日

國務卿陸徵祥

政事堂奉

策令黃占春授爲陸軍步兵上校此令

政事
堂印

洪憲元年二月二十七日

國務卿陸徵祥

政事堂奉

策令陸軍部奏請將李成林梁鳳昌覃德薰裴漢山潘吉安授爲陸軍步兵少校應照准此令

政事
堂印

洪憲元年二月二十七日

國務卿陸徵祥

政事堂奉

策令陸軍部奏請任命徐源桂爲昌武將軍行署軍務課課長應照准此令

政事堂印

洪憲元年二月二十七日

國務卿陸徵祥

政事堂奉

策令陸軍部奏准管理內火器營事務長官江朝宗咨請以伊清阿補掌關防營總恩謙補正
烏槍護軍參領秀麟繼瑞補副烏槍護軍參領三音保斌芳補委烏槍護軍參領應照准此
令

政事堂印

洪憲元年二月二十七日

國務卿陸徵祥

政事堂奉

申令體國經野事重交通故各國於平治道路一端皆銳意經營不遺餘力中國舊日所有官
道驛程略具國道之意而僅守前規從無進步因陋就簡識者譏之自輪軌通行形勢迥異
全國道路亟應統籌熟計協力興修近將京兆地方定為自治模範區域道路本在籌辦之
列著京兆尹詳查該管地方應行修治之路分別國道縣道兩項悉心規畫樹之風聲其鄉
村各路亦即責成區董量為整理此外各省區道路均歸該地方長官督飭所屬道縣分別
緩急次第籌辦吾國舊俗凡一鄉一邑之興梁路徑多由人民公共建築視為慈善事業應

由地方官提倡公德善為勸導惟不得稍事抑勒如有樂輸鉅費辦有成績者當特予優獎
用資觀感著內務部迅即擬訂修治道路條例奏明辦理此令

政事
堂印

洪憲元年二月二十七日

國務卿陸徵祥

國務卿奏據銓叙局詳稱核議內務部請獎江蘇蕭縣剿匪出力人員姚健鵬等勳章由
政事堂奉

批令准如所擬給獎交內務部查照此令

政事
堂印

洪憲元年二月二十七日

國務卿陸徵祥

國務卿奏據銓叙局詳稱核議已故浙江杭縣知事周李光給卹辦法由
政事堂奉

批令周李光著追贈少大夫並准如所擬給卹此令

政事
堂印

洪憲元年二月二十七日

國務卿陸徵祥

財政部奏遵核綏遠都統請款籌辦善後擬請毋庸置議乞訓示由

政事堂奉

批令准如所議辦理即由該部轉行遵照並交內務陸軍兩部查照此令

政事堂印

洪憲元年二月二十七日

國務卿陸徵祥

陸軍部奏准昌武將軍督理江西軍務李純咨請以徐源桂充任軍務課課長並緩覲見

由

政事堂奉

批令徐源桂已另有令任命矣並准緩覲此令

政事堂印

洪憲元年二月二十七日

國務卿陸徵祥

陸軍部奏請將趙志雲等分別補授陸軍實官由

政事堂奉

批令准如所擬分別授官此令

洪憲元年二月二十七日

政事堂印

國務卿陸徵祥

陸軍部奏核給四川陸軍測量學校辦學出力職教各員陳啟迪等獎章由

政事堂奉

批令准如所擬給獎單存此令

政事堂印

洪憲元年二月二十七日

國務卿陸徵祥

陸軍部奏請准以伊清阿等補掌關防營總等缺由

政事堂奉

批令伊清阿等已另有令明發其請補空花翎護軍校各員應均准其升補單存此令

政事堂印

洪憲元年二月二十七日

國務卿陸徵祥

交通部奏株萍路局副局長余衡在職病故擬請給予遺族卹金並追贈官秩由

政事堂奉

批令准其照章給郵所請追贈官秩之處交政事堂飭銓叙局查核辦理履歷並發此令

政事堂印

洪憲元年二月二十七日

國務卿陸徵祥

京兆尹王達奏分估京兆地方第一期自治事宜內請歸國家開支各項經費數目繕單具陳祈鑒由

政事堂奉

批令准如所擬辦理交內務財政兩部查照單並發此令

政事堂印

洪憲元年二月二十七日

國務卿陸徵祥

督辦經界局事務龔心湛奏開辦經界學校及京兆經界行局歸併經界局辦理情形由政事堂奉

批令悉交內務財政教育三部查照附件並發此令

政事堂印

洪憲元年二月二十七日

國務卿陸徵祥

督辦全國菸酒事務鈕傳善奏試署浙江菸酒公賣局局長湯在衡等請予叙官由

政事堂奉

批令交政事堂飭銓叙局核叙單並發此令

政事堂印

洪憲元年二月二十七日

國務卿陸徵祥

督辦全國菸酒事務鈕傳善奏核准免試知事陶家雯等暫難離差請免考詢先行分發並緩送覲由

政事堂奉

批令陶家雯等現既任有要差應准免予考詢先行分發省分並准緩覲交內務部查照辦理

此令

政事堂印

洪憲元年二月二十七日

國務卿陸徵祥

宣武上將軍督理江蘇軍務馮國璋
江蘇巡按使齊耀琳
奏刊發蘇常鎮守使殷鴻壽木質關防并遵飭緩覲代陳謝悃

由

政事堂奉

批令悉此令

政事堂印

洪憲元年二月二十七日

國務卿陸徵祥

河南巡按使田文烈奏報豫河凌汛工程平穩由

政事堂奉

批令悉交內務部查照此令

政事堂印

洪憲元年二月二十七日

國務卿陸徵祥

湖南巡按使沈金鑑奏卸署藍山縣知事張灃諱匿盜案擬請交付懲戒由

政事堂奉

批令張灃著付文官高等懲戒委員會依法懲戒以肅官常并交內務司法兩部查照此令

政事堂印

洪憲元年二月二十七日

國務卿陸徵祥

陝西巡按使呂調元奏奉頒聯額謝恩由

政事堂奉

批令悉此令

政事堂印

洪憲元年二月二十七日

國務卿陸徵祥

熱河都統姜桂題奏毅軍營務處姜占元奉令嘉獎據情代陳謝忱由

政事堂奉

批令悉此令

政事堂印

洪憲元年二月二十七日

國務卿陸徵祥

熱河都統姜桂題奏署熱河陸軍第一團團長馬鎮藩祇奉簡任狀據情代陳謝悃由

政事堂奉

批令悉此令

政事堂印

洪憲元年二月二十七日

國務卿陸徵祥

奏摺

國務卿奏據銓叙局詳稱核議萬樹芳奉獎六等嘉禾章勳等重複擬請改爲傳令嘉獎摺

奏爲核議萬樹芳奉獎六等嘉禾章勳等重複擬請註銷并改爲傳令嘉獎恭摺仰祈 聖鑒事據銓叙局詳稱准內務部咨開本部請獎辦事得力人員陳毅等勳章案內技士萬樹芳一員奉獎六等嘉禾章現查該員曾於崇陵工程案內奉給六等嘉禾章在案此次蒙獎勵等重複應請查核辦理等因并繳還前發勳章憑單到局查該員萬樹芳於民國四年三月十日奉給六等嘉禾章尙未經過一年此次該部年終獎案又復擬請六等前後重複自應由局註銷惟該員辦事既稱得力似未便以勳等重複令其向隅擬請改爲傳令嘉獎以資策勵謹詳請轉奏等情前來理合恭摺具陳伏乞 皇帝陛下聖鑒訓示遵行謹 奏

政事堂奉

批令萬樹芳著改爲傳令嘉獎此令

政事堂印

洪憲元年二月二十三日

國務卿陸徵祥

陸軍部奏請簡陸軍第六師步兵第二十二團礮兵第六團團長人員暨薦任汪樹信等充任營長并請暫緩覲見摺

奏爲請

簡團長並薦任營長請緩覲見繕單恭摺仰祈

聖鑒事前准昌武將軍督理江西軍務李純

咨稱陸軍第六師步兵第二十二團團長黃振魁業經電奏

簡補新編陸軍第三混成旅旅長所遺團長

一缺查有陸軍第六師礮兵第六團團長畢化東堪以調充遞遺礮兵團長一缺查有該團第二營營長王其鳳堪以升充遞遺營長一缺查有該團第三營副官方振德堪以升充又步兵第二十二團第三營營長郝得

志現保升新編陸軍第三混成旅步兵第二團團長所遺營長一缺查有步兵第二十二團團附汪樹信堪以調充請查核奏補等因當經咨行該將軍按照軍職補充暫行規則續保人員以便開單具奏去後茲准咨稱陸軍第六師現已開拔遠征前擬以畢化東等請補團長各職現值軍務緊急均已出發請予變通奏補以專責成再各該員職務重要未便遠離並懇轉請暫緩覲見等因查規則第八條載軍務緊急時各師遇有旅團長缺出或混成旅遇有團長缺出該師長或混成旅長可先陳明委人代理團附以下缺出一面先行委署一面詳報陸軍部轉呈 大元帥鑒核俟後查看果能勝任再照本規則辦理等語陸軍第六師現既拔隊遠征其請補團長營長各員復經該將軍詳加考核堪以勝任擬請 准予補充俾重職守至該員等職務重要未便遠離可否暫緩覲見之處恭候 批令祇遵是否有當理合繕單恭摺具陳伏乞 皇帝陛下聖鑒訓示謹 奏

政事堂奉

批令畢化東等已另有令任命並准緩覲此令

政事堂印

洪憲元年二月二十二日

國務卿陸徵祥

陸軍部奏請簡團長員缺并懇准緩覲摺

奏為請 簡團長並請緩覲見繕單恭摺仰祈 聖鑒事准昌武將軍督理江西軍務李純咨稱陸軍第

三混成旅旅長一職業經電奏請 簡黃振魁充任其該旅步兵第一團團長一缺查有本行署軍務課

長李殿臣副官長楊恩培堪以充任第二團團長一缺查有陸軍第六師步兵第二十二團第三營營長郝得

志將校講習所所長徐源桂堪以充任請查核具奏並請緩覲見等因查該將軍所保李殿臣楊恩培郝得志

徐源桂四員均於軍事歷練有素堪勝團長之任擬請 簡任俾重職守至該員等職務重要未便遠離可
否暫緩覲見之處恭候 批令祇遵是否有當理合繕單恭摺具陳伏乞 皇帝陛下聖鑒訓示謹 奏

政事堂奉

批令已另有令任命並准緩覲軍存此令

政事堂印

洪憲元年二月二十二日

國務卿陸徵祥

陸軍部奏遵請將向友益等補授陸軍實官摺(附單)

奏為遵請補授陸軍實官人員繕單恭摺仰祈 聖鑒事竊准政事堂鈔交將軍銜督理新疆軍務巡按使
楊增新呈請將駐省各營官長鄂英等補授陸軍實官緣由奉 批令鄂英等均准照補軍官前據碼電已
交陸軍部查照呈辦矣此令等因奉此臣部前以奉到鈔電恐有誤碼故未敢即時奏請茲准咨文到部所有
應補陸軍實官人員自應遵請補授理合繕單恭摺具陳伏乞 皇帝陛下聖鑒訓示謹 奏

政事堂奉

批令向友益等已另有令明發餘併准如所擬分別授官單存此令

政事堂印

洪憲元年二月二十二日

國務卿陸徵祥

謹將遵請補授陸軍實官人員繕單恭呈 御覽

計開

護衛步兵一營哨官楊福保 陝有才 李輯瑞 徐謨 馬彥明 二營營副平 哨官趙福有

鄧永成 杜護德 以布那英 定遠步兵營副李樹勳 哨官楊本豫 郝瑞慶 馬應奎

以上十四員遵請 授為陸軍步兵上尉 排長熊為龍 李九齡 王春福 韓常斌

護衛騎兵營哨官哈鳳山 海遇春 張萬祿 授為陸軍騎兵上尉

以上七員遵請 侯百萬 王世俊 馬成 唐萬祿 崔思賢 孫占彪 馬金寶 步兵

護衛步兵一營哨長馬光前 李文奇 范七友 王占隆 張松齡 定遠步兵營哨長韓九如 馬德昌 賴福

二營哨長周承宗 海 趙登高

以上十七員遵請 授為陸軍步兵中尉

護衛騎兵營哨長馬如昌 馬占蒼 普山 黃家榜

以上四員遵請 授為陸軍騎兵中尉

護衛礮兵連排長武占雄 郭清貴 曹樹堃

以上三員遵請 授為陸軍礮兵中尉

蒙藏院片奏輔國公隨員索爾胡巴雅爾可否賞給副都統俸請示摺

再新土爾屬特右旗輔國公納木加旺登此次輸誠入覲隨帶副都統銜管旗章京索爾胡巴雅爾一員據該
公聲稱該員在旗辦公深資得力此次不憚跋涉隨同來京不無微勞足錄擬懇酌予獎勵等情臣院查管旗
章京向無俸給辦公異常清苦該員既有副都統銜可否 俯准賞給副都統俸以示體恤如蒙 俞允
即照例由新疆巡按使就近發給是否有當理合附片具陳伏乞 聖鑒訓示謹 奏

政事堂奉

批令索爾胡巴雅爾著賞給副都統俸即由該院行知新疆巡按使查照此令

政事
堂印

洪憲元年二月二十一日

國務卿陸徵祥

直隸巡按使朱家寶奏耆儒王淋溥懇恩給予匾額摺

奏為耆儒學行可風年登九齡五世同堂懇 恩給予匾額以示褒揚恭摺仰祈 聖鑒事竊據署盧龍

縣知事李兆周詳稱據前直隸內務司長史履晉等稟稱竊以臨雍拜老朝隆尙齒之文前席乞言古有引年之典耆英碩德例有表揚矧際 昌期宜邀 曠典茲有盧龍縣籍前清直隸州州判恩貢生王淋溥門

承世德早列膠庠薰善良於一鄉列門徒者千數溯其曾祖王燕係乾隆庚子舉人內邱縣訓導壽九十有二

年長德冠冕北燕該紳繼續先芬復親見曾元膺五世同堂之慶今者年登九秩神觀聰強共推當代之老成

允列 熙朝之人瑞合詞環懇轉請奏給匾額以重耆碩而風社會等情經知事覆核無誤詳請前來臣伏

查該紳王淋溥墨池衍緒玉海傳家克縣舊德於荷陳蔚為儒宗之轅伏自是喬松獨秀不愧楷模多士之名

允宜 奎藻遙頌益彰 壽考作人之化合無仰懇 天恩准予給匾褒揚之處出自 鴻慈除將

事實冊咨送政事堂查照外伏乞 皇帝陛下聖鑒訓示謹 奏

政事堂奉 批令應准給予匾額以彰耆德交內務部查照此令

政事
堂印

洪憲元年二月二十一日

國務卿陸徵祥

政府公報

奏摺

二月二十八日第五十三號

山西巡按使金永片奏現任山西省會警察廳長靳鞏請准以縣知事分發任用並交存記摺

再現充山西省會警察廳長靳鞏由本省警務學堂官學生經前山西巡撫派送日本留學先後在日本東京警監學校早稻田大學校畢業於民國元年七月回國歷充山西高等檢察廳檢察官警務公所參事軍警執法處處長洊升今職當民國二年贛亂發生匪黨四處旬煽晉省值改革未久影響所及危險時虞該廳長督率員警嚴密偵查設法防範省垣內外未受驚擾經前山西民政長陳鈺臚陳該廳長勞績奉 命獎給七等嘉禾章在案嗣在省城擊獲弓續重要黨羽孫占魁一案出力復經臣會同同武將軍閻錫山呈奉 命獎給五等文虎章是該廳長才堪濟變早在我 皇上洞鑒之中至其平素關於警政進行悉心籌畫諸臻縝密如整頓消防警察捍禦民國二年省城水災閉城七日百計防維卒使城闔一帶未被浸灌整頓行政警察補助印花稅之進行其所訂收據格式至為財政部所激賞以及培植警才厲行煙禁三年以來有如一日而其尤為足取者當其充任廳長之時適繼前巡警道續逆桐溪之後續逆黨羽遍布警界挾省界之說互相把持該廳長獨能力排眾議簡拔外省人士充當警差始將續黨逐漸淘汰藉銷隱患雖屢為晉省人士所誹毀亦所不恤上年滇亂發生人情洶懼又能嚴防黨徒檢查郵件無遺無漏不驚不擾而且軍警聯為一氣無幾微嫌隙之生居民賴以安靖該廳長練達有為洞明治術既已確而有徵若畀以煩劇之任必能勝任愉快刻值警廳改組該員因籍隸本省未便令其兼任然若聽其投閑置散不惟辜其歷年之勤勞即以人才論亦殊為可惜合無仰懇 聖恩俯念該員充當省會警察廳長已逾三年成績卓著准以縣知事分發任用並交政事堂存記以勵有功而資觀感除將該員履歷咨陳內務部外理合附片具陳伏乞 皇上聖鑒訓示祇遵謹 奏

政事堂奉

批令靳鞏著以縣知事分發任用交內務部查照辦理並交政事堂存記此令

政事堂印

洪憲元年二月十八日

國務卿陸徵祥

昌武將軍督理江西軍務李純奏覈准免試知事梁震湘現供要職擬懇援案准免考詢先予分發並緩

覲見摺

奏為覈准免試知事現供要職擬懇援案准免考詢先予分發並緩覲見恭摺仰祈 聖鑒事案據贛南鎮

守使吳鴻昌詳稱竊查現充鎮守使署書記官梁震湘以前清候補知縣於第四屆知事試驗案內經前參謀

總長黎元洪保薦免試審查合格本應飭令遵章赴部聽候傳詢惟該員掌擬使署文電承辦機要事繁責重

未便遽易生手擬懇援案奏請准免考詢先予分發並緩覲見俾得暫供任用等情據此查臣署現供要職覈

准免試知事高培樞等二員前經奏准免予考詢先行分贛任用並緩覲見奉 令遵行在案該員現供要

職事同一律合無仰懇 恩准飭部將該員梁震湘免予考詢先行分贛任用並緩覲見之處出自 鴻

慈理合恭摺具陳伏乞 皇上聖鑒訓示謹 奏

政事堂奉

批令既據奏稱梁震湘現供要職應准免予考詢先行分贛任用並准緩覲交內務部查照辦理此令

政事堂印

洪憲元年二月二十三日

國務卿陸徵祥

襄武將軍督理湖北軍務王占元奏旅長王懋賞等謝恩並請緩覲摺

奏為恭摺代謝 天恩並陳明緩覲仰祈 聖鑒事竊照洪憲元年一月二十七日政事堂電傳 策

令任命王懋賞為陸軍第六混成旅旅長朱廷燦為陸軍第二師第四旅旅長此令等因當經恭錄轉飭遵照

茲據該旅長王懋賞朱廷燦等稟稱竊旅長等質本庸愚學慚疏淺謬膺重寄每虞豹略之未嫻迭荷甄陶益

恐鷓梁之致誚茲荷 寵頒綸綍共叨 異數恩榮晉縮軍符仗 聖武而塵清函夏願依 殿陛
 近 天顏而臺樂登春所有懋賞等感激下忱並懇轉請代奏覲見各等情詳由二師師長王金鏡轉詳請
 奏前來伏查覲見條例特簡薦任各於奉任命後均須覲見但因有要情形得呈請免覲或暫緩各等語現
 值滇事方殷合無仰懇 天恩准予援例暫緩之處出自 聖裁所有據情代奏第六混成旅旅長王懋
 賞第二師第四旅旅長朱廷燦等感激下忱並聲請緩覲緣由除咨陳陸軍部外是否有當伏乞 皇上聖
 鑒訓示謹 奏

政事堂奉

批令悉王懋賞等均准緩覲此令

政事堂印

洪憲元年二月二十一日

國務卿陸徵祥

察哈爾都統張懷芝奏察哈爾正黃旗滿洲理刑員外郎恆溥剝索被控查覆屬實擬請先行褫職發交
 法庭訊辦摺

奏為察哈爾正黃旗滿洲理刑員外郎恆溥剝索被控查覆屬實擬請先行褫職發交法庭訊辦恭摺仰祈
 聖鑒事竊前據察哈爾正黃旗總管巴揚孟克詳據參領兼勛舊佐領色爾鄂特副參領兼雲騎尉額勒賀
 保詳據六八兩佐會同報稱滿洲員外郎恆溥種種剝索懇請詳細查辦等情即經飭行審判處派員按照該
 總管所報各節逐一確切查明具覆去後嗣據該處先後詳據派員查覆轉詳前來當經批示擬議在案茲據
 審判處處長周樹標詳稱查該員外郎恆溥剝索擾害各節既經查明屬實殊屬有玷官箴業由本處先將該
 員撤任聽候覈辦惟該員身分既屬官吏所犯各節已侵入官吏犯贓範圍非先奏請褫職交法庭依法訊辦

不足以儆官邪等情據此查該員外郎恆溥所犯各節既經侵入官吏犯贓範圍自應 奏請先行褫職發交法庭依法訊辦除咨陳司法部查照外理合恭摺具陳伏乞 皇帝陛下聖鑒訓示謹 奏

政事堂奉

批令恆溥著先行褫職提交法庭訊辦以儆官邪交司法部查照此令

政事堂印

洪憲元年二月二十二日

國務卿陸徵祥

察哈爾都統張懷芝奏委任分省人員邊度春暫代豐鎮縣知事並懇准將該員留察任用以資治理摺奏為因地擇材委任分省人員暫代縣知事懇請留察任用以資治理而重地方恭摺仰祈 聖鑒事竊據代理豐鎮縣知事袁澍滋詳請因病辭職就醫當經批准自應遴員前往接替惟是豐鎮衝要難治甲於察區近日匪氣未淨各軍隊警備隊警察等正在認真搜剿而協商指示戡暴安良能否因應咸宜實惟知事之責設非關心民瘼兼通軍事人員治理殊非易易察區歷屆分發知事不乏可用之才而嫻於吏治者多明於軍事者少欲求此選殊難其人查有巨署軍事顧問分省任用知事邊度春久參軍幕曾任地方力果心精才長肆應以之暫行代理豐鎮縣知事必能無忝厥職應付有方惟該知事係分省人員擬懇 恩准留察任用俾得克盡所長人地相宜裨益良非淺鮮臣為慎重地方起見除委任并咨陳內務部查照外是否有當理合恭摺具陳伏乞 皇帝陛下聖鑒訓示謹 奏

政事堂奉

批令悉邊度春准其留察任用交內務部查照此令

政事堂印

洪憲元年二月二十二日

國務卿陸徵祥

駐美利堅合衆國兼駐古巴國特命全權公使顧維鈞奏恭報補遞國書原本日期摺

奏爲恭報補遞 國書原本日期仰祈 聖鑒事竊臣於本年十二月十六日謹將奉到外交部電示

國書原文照錄呈遞美總統當將情形奏報在案旋准外交部寄到 國書原本業於十二月二十二日

備文照送美外部代爲呈遞除咨明外交部外所有補遞 國書原本日期緣由理合恭摺具奏伏乞

聖鑒再臣前領赴墨接任 國書一道業已遵照外交部來咨送還註銷合併陳明謹 奏

政事堂奉

批令悉此令



洪憲元年二月十九日

國務卿陸徵祥

都肅政史張元奇奏謝鴻恩并報任事日期摺

奏爲恭謝 鴻恩並具報任事日期恭摺仰祈 聖鑒事竊臣於二月十日恭奉 策令特任張元奇爲都肅政史此令十四日奉到政

事室交片內開本日國務卿奉 諭都肅政史職務重要張元奇應令先行就職仍候定期覲見各等因奉此遵於本月十五日先行到廳任

事並於昨日准前都肅政史臣莊蓮寬將華字第一百三十二號肅政廳銀質印信一顆都肅政史銀質小印一顆暨文卷等件咨送前來當即

敬謹祗領訖伏思臣以菲材謬領風憲值時事多艱之際正上下交儆之時自當勉竭庸愚力圖報稱藉以仰答 恩知於萬一所有微臣感

激下忱並任事日期緣由理合恭摺奏陳伏乞 皇帝陛下聖鑒謹 奏



洪憲元年二月二十日

國務卿陸徵祥

勅

外交部勅第十八號

外交官領事官資格審查規則施行細則現奉

核准應即查照施行此勅
外交總長陸徵祥

部印

洪憲元年二月二十五日

外交官領事官資格審查規則施行細則

第一條 外交官領事官資格審查委員會由外交部依本規則第二條之規定奏請特派委員長並委員組織之

前項委員由外交總長於外交部簡任職員中遴選奏請派充

第二條 外交官領事官資格審查委員會設置於外交部應行公文由委員長署名外交部蓋印

第三條 關於外交官領事官資格審查之文書事件由外交部總務廳文書科兼掌之

第四條 依本規則應行審查人員由外交官領事官資格審查委員會於審查以前調查詳細履歷其駐外使領各館人員並由各該館長官將辦事成績駐外積資及通曉何國語文詳確查明出具考語彙報委員長

第五條 凡應行審查人員之是否合格由全體委員公同審查委員長核定

第六條 凡應行審查人員以具有左列第一項兼有第二或第三項之一者為合格

一 通外國語文一國以上 二 辦事著有成績 三 在職積有年資

第七條 凡審查合格人員由委員長隨時奏請核准交政事堂銓叙局註冊

第八條 本施行細則自核准日施行

司法部飭第二〇二號

爲飭知事據直隸律師懲戒會詳稱高等檢察長以律師常增祺辦理案件措置失當提起懲戒一案經本會
公同議決予以訓飭處分除分別通知外理合連同議決書詳請察核等因本總長查核無異該律師常增祺
卽如該會所議予以訓飭處分並轉飭嗣後執行職務須照章將事勿再攙越除將原詳議決書以政府公報
公告外仰卽轉飭地方檢察長照章執行此飭

司法總長章宗祥

右飭直隸高等檢察廳檢察長許受衡准此

部印

洪憲元年二月二十一日

直隸律師懲戒會議決書

被付懲戒律師常增祺

右列被付懲戒律師因辦理案件措置失當經保定地方檢察長詳由高等檢察廳提起懲戒函送到會本會
照章開議經高等檢察長列席議決如左

主文

律師常增祺應受訓飭處分

事實

緣保定地方審判廳受理高陽縣民王劉氏與王士貞霸產涉訟一案王劉氏委任律師常增祺代理訴訟經
該廳決定將該案發縣更審判決後不服復在該廳控告嗣據兩造狀請准予和解由該廳將和解決定正本
函由高陽縣送達去後乃事隔一月又據王劉氏狀請催審該廳以前後兩歧查核狀尾有律師常增祺繕稿

等字樣並蓋有圖章即函縣調查經縣查明王劉氏聲稱業經和解並無催審情事該廳即函致同級廳詳請高檢廳提起懲戒並附意見書略謂查保定律師公會則第三十五條律師辦理案件應聽當事人自由委任以盡辯護之責不得唆訟撓越該律師捏詞冒遞王劉氏既不知情是該律師之行爲並非出當事人委任顯係唆訟撓越核與會則第三十五條規定職務不免違背應請付懲戒等語又准高檢廳函送該律師取消催狀聲請書略謂王劉氏控王士貞霸產一案經其戚張德堃介紹委任本律師代理王劉氏旋即回籍迄未到保至王士貞等狀請和解本律師並未悉詢據介紹人亦以該氏終未到案是否和解無從探悉旋據介紹人託人通知本案和解王劉氏雖未到案事後已行承認云云伊既承認和解則本律師代伊爲訴訟進行之催狀當然取消各等語先後函送到會

理由

據右列事實該律師代理王劉氏訴王士貞一案王劉氏等狀請和解或爲規避酬勞金起見關於和解一層延不通知律師似在情理之中惟查該律師代遞訴狀內有昨聞王鳳儀父子來廳私遞和解不知是否屬實如果有之是其捏造非氏所允等語是該律師對於此案既風聞有和解情事自應調查明晰或函詢王劉氏意旨然後再爲訴訟進行方爲正當辦法乃不此之圖遽爲王劉氏狀請催審經保定地方審判廳批示暨函縣調查該律師知事出兩歧始行詢問介紹人具書聲請取消是該律師辦理此案雖無唆訟情形而措置失當究不免有撓越之嫌疑之該會則第三十五條亦有未合自應予以薄懲以儆玩忽本會基此理由多數議決應依修正律師暫行章程第三十七條第一項予以訓飭之處分故決議如主文

中華民國四年十二月十日

直隸律師懲戒會

會長 廉 隅

會 員 董玉堃

會 員 孫觀圻

會 員吳榮炳
會 員張梯雲
指定書記官徐國桓

教育部飭第六〇號
為飭知事本部技士趙魯應叙九等給技士第八級俸應驗林應叙九等給技士第九級俸此飭

教育總長張一麐

右飭技士趙魯應
應驗林准此

部印

洪憲元年二月十九日
教育部飭第六七號
為飭知事技士趙魯應驗林應改為委署字樣此飭

教育總長張一麐

右飭趙魯應
應驗林准此

部印

洪憲元年二月二十四日

草帽辦
 原草花帽辦
 草帽辦
 草帽辦
 六草帽辦
 草帽辦
 七根草黃辦
 草帽辦
 披草辦原七草辦
 博士式薩拉草帽
 草帽
 麥辦草帽
 草帽
 龍鬚草帽
 草帽
 草席
 草圍
 藥花簾
 黃草提包
 機毛
 平湖各色棕蔴繩
 棕帚
 牙章 雙梅紅名片
 牙章 宣紙
 各式名片橡皮圖章
 信箋

山東桓台王毓龍
 山東觀城王子明
 山東新泰王秀蘭
 山東曹縣普照公司
 山東廣饒延榮山
 山東陽谷孟廣樹
 山東鄒城恆祥棧
 山東陽谷徐珍
 山東肥城呂昌茂
 天津同陞和
 直隸清豐齊夢周
 山東掖縣源記帽莊
 山東鄭城瑯琊草帽公司
 武昌美利製帽公司張天健張天甲
 湖南長沙李澤普
 上海流立興
 廣西蔡邦智
 直隸陸全
 山東董秀華
 江蘇李慧貞
 浙江鍾司周
 浙江鍾萬興鍾徐德
 監獄改良所馬春旺
 北京榮寶齋
 北京松古齋
 北京文鳳蓀
 廣西如意祥瑞記

- 百花箋
- 百花箋
- 各種箋紙
- 各種箋紙
- 信箋
- 馬車
- 藤夾子
- 藤器
- 花竹藤小椅
- 花梨鏡台
- 竹器及竹圍屏
- 竹簾
- 鼓式竹櫬
- 柳條提包行李箱
- 深紅大花牛皮書箱及扣鞋等
- 紋皮博士女鞋及女皂鞋
- 黃花皮三眼男鞋
- 嵌花牛皮箱
- 毡帽
- 便利箱衣包 國貨書包
- 連環寫字棹漳緞面轉椅錦面搖椅綠呢長棹磁面茶几等件披面公事櫃折疊
- 孩椅藤竹器及柳條器
- 小皮靴
- 皮裹腿及衣包九龍帶等
- 花竹藤小椅
- 各式手杖
- 葡萄代刀文明棍
- 北京秀文齋
- 山東歷城縣文美齋
- 福建趙妹銓
- 福建未見齋
- 福建麗華齋
- 山東三省馬車行王省三
- 江蘇海門游民習藝所
- 福建貧民工藝廠
- 南通貧民工廠
- 浙江金華貧民習藝所
- 江蘇省立第一工場
- 江蘇如皋貧民工廠
- 江西第一大工廠
- 江蘇省立第七工廠
- 四川勸工局
- 湖南貧民工藝廠
- 福建工藝傳習所
- 河南工藝廠
- 內務部游民習藝所
- 江西習藝自新所
- 京師第二監獄
- 奉天模範監獄
- 遼陽監獄
- 江蘇南通貧民工場
- 北京義善公
- 奉天雅軒電鍍廠

公電

大理院覆湖南高等審判廳電(統字第三百九十二號)附來電

湖南高審廳寢電悉意圖正當繼受財產而殺人者應依三二一條處斷若殺人而不法取得財物如謀害行旅等行同強盜應以強盜殺人論大理院真印 洪憲元年二月十一日

附湖南高等審判廳來電

大理院鈞鑒圖財物殺人應否認爲犯刑律第二七六條該當懲治盜匪條例第三條之刑處斷乞電示湖南高等審判廳寢印 洪憲元年一月二十七日

大理院覆四川高等審判分廳電(統字第三百九十四號)附來電

四川高等審判分廳虞電悉刑律本夫係指已成婚之夫而言未婚夫當然無告訴權大理院真印 洪憲元年二月十一日

附四川高等審判分廳來電

大理院鈞鑒童養未婚妻犯姦其未婚夫有無告訴權敬乞電示遵辦川高審分廳叩虞印 元年二月八日

大理院覆福建高等審判廳電(統字第三百九十七號)附來電

福建高等審判廳庚電情形甲應依刑律二六條比較二五八條二項及三八二條丙丁應依二六條比較二五八條二項及三八五條均從重處斷已應依三八五條處斷大理院漾印 洪憲元年二月二十三日

附福建高等審判廳來電

大理院鈞鑒有甲向乙索錢不遂盜取乙父遺骨勒贖又有丙丁共同盜取戊父殮物及遺骨後復與己串同令戊出錢贖取遺骨惟尙無恐喝情事二例各犯何罪乞解釋電示遵行閩高審廳叩庚 洪憲元年二月九日

政府公報

二月二十八日第五十三號

通告

陸軍訓練總監通告

為通告事陸軍官學校學生杜友梅陝西興平縣人張志堯浙江定海縣人均因請假逾限斥革棄朝輔福建浦城縣人因病退學自應照章通告各軍事機關勿予錄用特此通告
洪憲元年二月二十一日

大理院刑一庭公開審判案件日時通告

本院刑一庭一月十九日下午二時公開審判案件如左

- 一上告人李勝農等對於湖南高等審判廳就李勝農等強姦之所為第二審判決不服上告一案(宣告判決)
 - 一上告人楊佩文等對於山東高等審判廳就楊佩文等收受賄賂之所為第二審判決不服上告一案(宣告判決)
 - 一上告人梁兆卿對於廣東高等審判廳就梁兆卿賄賂之所為第二審判決不服上告一案(宣告判決)
 - 一上告人李春季仔對於山東高等審判廳就李春季仔殺人及和姦之所為第二審判決不服上告一案(宣告判決)
 - 一上告人楊臣對於京師高等審判廳就楊臣傷害人致死之所為第二審判決不服上告一案(宣告判決)
 - 一上告人湖南高等檢察廳檢察官對於同級審判廳就陳三岩匠強姦幼女之所為第二審判決不服上告一案(宣告判決)
 - 一上告人翁慎慶對於浙江高等審判廳就翁慎慶竊盜之所為第二審判決不服上告一案(宣告判決)
 - 一上告人李有元對於湖南高等審判廳就李有元賂誘及偽造私文書之所為第二審判決不服上告一案(宣告判決)
 - 一上告人利福如對於廣東高等審判廳就利福如脫逃之所為第二審判決不服上告一案(宣告判決)
 - 一上告人總檢察廳檢察長對於甘肅永昌縣就沈保三竊盜俱發之所為判決提起非常上告一案(宣告判決)
- 大理院刑一庭公開審判案件日時通告

本院刑一庭一月二十二日下午二時公開審判案件如左

- 一上告人李勝農等對於湖南高等審判廳就李勝農等強姦之所為第二審判決不服上告一案(宣告判決)
- 一上告人許秀德等對於江蘇高等審判廳就許秀德等強盜之所為第二審判決不服上告一案(宣告判決)
- 一上告人吳玉貴對於江蘇高等審判廳就吳玉貴故買贓物之所為第二審判決不服上告一案(宣告判決)
- 一上告人孔東成對於廣東高等審判廳就孔東成竊盜之所為第二審判決不服上告一案(宣告判決)
- 一上告人甲文平對於河南高等審判廳就程文平侵占之所為第二審判決不服上告一案(宣告判決)
- 一上告人莊完借對於廣東高等審判廳就莊完借妨害妻禮之所為第二審判決不服上告一案(宣告判決)
- 一上告人江在清對於湖南高等審判廳就江在清妨害公務之所為第二審判決不服上告一案(宣告判決)
- 一上告人熊砥湘對於湖南高等審判廳就熊砥湘強盜之所為第二審判決不服上告一案(宣告判決)

一上告人總檢察廳檢察長對於雲南署穀縣就錢八十六夥竊耕牛之所為判決提起非常上告一案(宣告判決)
 一上告人總檢察廳檢察長對於綏遠都統署審判廳就姚滿崗殺人為從之所為判決提起非常上告一案(宣告判決)

大理院刑二庭公開審判案件日時通告

本院刑二庭一月二十日下午二時公開審判案件如左

- 一上告人杜永貴等對於浙江高等審判廳就杜永貴等強取他人所有物之所為第二審判決不服上告一案(宣告判決)
- 一上告人李冠軍等對於京師高等審判廳就李冠軍等誣告之所為第二審判決不服上告一案(宣告判決)
- 一上告人謝永槐等對於湖北高等審判廳就謝永槐等傷害致死之所為第二審判決不服上告一案(宣告判決)
- 一上告人王友成對於湖南高等審判廳就王友成收受賄賂之所為第二審判決不服上告一案(宣告判決)
- 一上告人金鐵良對於廣西高等審判廳就金鐵良營利和誘之所為第二審判決不服上告一案(宣告判決)
- 一總檢察廳檢察長對於熱河都統署審判廳就姜秀峰殺人之所為判決提起非常上告一案(宣告判決)
- 一總檢察廳檢察長對於奉天蓋平縣就吳金達湮滅罪證之所為判決提起非常上告一案(宣告判決)

大理院民一庭公開審判案件日時通告

本院民一庭一月二十日星期四下午二時公開審判案件如左

- 一萬生花等與高黑娃等因承繼及遺產涉訟不服陝西高等審判廳第二審判決聲明上告一案(宣告判決)
- 一崔紫輝與陶樹村因債務涉訟不服安徽高等審判廳第二審判決聲明上告一案(宣告判決)
- 一陳德華與谷仲嘉因債務涉訟不服浙江高等審判廳第二審判決聲明上告一案(宣告判決)
- 一黎煥與陳賀等因揭款涉訟不服廣東高等審判廳第二審判決聲明上告一案(宣告判決)
- 一周安浦與余柏年因欠款涉訟不服江西高等審判廳第二審判決聲明上告一案(宣告判決)
- 一照凌阿與黃文煜因工銀涉訟不服京師高等審判廳第二審判決聲明上告一案(宣告判決)
- 一楊青山等與楊景蘭等因地畝涉訟不服奉天高等審判廳第二審判決聲明上告一案(宣告判決)
- 一王恩洛與王宜因期票涉訟不服四川高等審判廳第二審判決聲明上告一案(宣告判決)
- 一凌凌齋與申幹卿因錢債涉訟不服安徽高等審判廳第二審判決聲明上告一案(宣告判決)
- 一劉寶田與劉楊氏因析產涉訟不服奉天高等審判廳第二審判決聲明上告一案(宣告判決)
- 一劉寶田與劉吳氏因養贖涉訟不服奉天高等審判廳第二審判決聲明上告一案(宣告判決)

廣告

籌備國民代表大會事務局通告

爲通告事此次決定國體事件發端於全國國民之迫切請願參政院代行立法院以此事關係國本據約法之規定應聽解決於全國國民特議設立正大之機關以徵求真確之民意於是國民代表大會之設自國民代表大會組織法公布以來本局爲法定之籌備機關會同各地方監督長官依法籌辦自調查選舉人組織選舉會以至選舉代表決定國體均經先後依法辦理完備代行立法院彙綜全國國民代表所投之決定國體票以一千九百九十三票之全體一致贊成依國民代表大會組織法第一條之規定代表國民全體之公意決定爲君主立憲並據全國國民代表及全國人民推戴書推戴 大總統袁公爲中華帝國皇帝均經先後公布在案國體問題至此已完滿解決國民代表大會一應籌備事務亦至此一律完成國家本根庶幾底定而其中層累曲折之情形及各方面所主張之理由與其不得已之苦衷容有爲一地方一鄉邑人民所未能盡悉者本局職司籌備見聞較切用特撮舉大要通告國民查全國國民請願之始其請願書多至百起以上論其地則百二十二省各特別行政區域蒙回青海西藏以及海外僑民論其人則學士大夫農工商實業以及各項公會團體雖請願之理由言人人殊而其懲既往之流失怵將來之隱患以一勞永逸之計爲久安長治之圖則固萬口同聲舉國一轍今試就其言之最深切者爲我國民告焉如謂天澤之辨伊古維嚴君臣大義同於父子以宗法爲國家之本即以齊家爲治國之源國性精神端在於此一旦易天秩爲平等不免等君父於路人倫紀蕩然國將焉賴雖曰以國家爲本位而無形之國家思想何能普及於一般人民茫茫人類將如散沙社會失其關聯國家何由存在此從倫理論之而知共和之不宜於我國者也又謂中國政治淵源本於天道首出庶物之人厥爲乾坤宗子以天道之神聖淵穆愈以增君主之尊嚴王命所在雖婦人女子亦能知所廢興用以奠定邦基又安黎庶若元首可自齊民選出將人懷可取而代之心權利競爭禍將靡底此從治本論之而知共和之不宜於我國者也又謂國家創業垂統肇始義軒數千年歷史相承君統未嘗中絕即在聖雄割據之時而正統偏安猶待史家論定凡以明一日不可無君之義即可知四海攸賴一人之殷改革以來羣龍無首變故迭生邦基隕枕賢智者日夕憂疑惟魯者莫知所措設更委心任運恐不免神州陸沉此從歷史論之而知共和之不宜於我國者也又謂歐洲各共和國區域均不甚廣北美例外已近聯邦

我國方里四千萬而且五族各異其性南北各異其宜苟中央權力稍輕則四境難施統馭以數千年五族一家之偉大民族豈可令其豆剖瓜分此從地理論之而知共和之不宜於我國者也又謂辛亥事變起於倉猝國體問題未遑過計改革甫經一載禍敗即已橫生值元首改選之交遂生翰寧之亂中原鼎沸生民塗炭勞師糜餉幸以救平而東南民力於是盡矣人民經一度之變亂每念及國家根本常惴惴於禍至之無日社會事業無一進行國家政務因之止步不得已而延長總統任期而人民慮遠思深以爲將來之禍變終不能免且禍變之推測愈遠則國事之停滯愈多我國國際地位已在四面楚歌之中欲圖生存競爭豈能長此終古此就往事驗之而知國體之必宜變革者也又謂國勢之強強於衆志必普天皆無異嚮斯治化乃期有成民國成立以來因繼體者無惟一適當之人故不免各存希冀明知無百年不易之主遂人人存先事準備之心或暗中擁戴一人或設法把持一地以堂堂一統之中國而內容已兆瓜分統治者非不才略過人而全副精神恆疲於對付之中而莫由以自展識時之士深用隱憂不及早改弦更張則分裂之爲期不遠此就近事考之而知國體之必宜變革者也又謂國家趨勢非立憲不能圖存然立憲者定國家百年之大計謀教育實業軍事之發達其事至大程功至久又非朝不保夕之國家所可望也而細察我全國國民心理以爲將來競爭大總統之戰亂不知已於何時後來之事思之寒心方備亂之不暇而何有於致治若不從根本改革無論爲將來論之而知國體之不可不從速變革者也更有就君主與立憲相互關聯之處立論者略謂天下之生一治一亂考五千年歷史異姓代興之事多至二十餘朝或數百年而一易或數十年而一易或數年而一易其開創之君非不雄才大略規模宏遠無如數傳而後法度漸弛遺澤就涇國統遂絕六朝五代之際君位直如奕棋人民蕩析離居幾於不可終日論者每舉以爲君主制病而不知此非君主制之病君主而不採用立憲制之病也世界各國政治均由人治時代晉而爲法治時代而中國政治蓋猶有數千年來人存政舉之選思前此治亂相循邦基不固國是未定厥有由也現在欲求立憲既以君主爲前提而實行君主制度尤必以立憲爲要義查東西立憲國家有強固之政府以擔負責成有穩健之議會以協贊政府上下相與之際各有一定之法令以爲運行君主總攬大權實居於調燮之地位相推相溢以劑其中英主無所增中主無所損故國家元首雖等於神聖之尊嚴而其實實立於政治潮流之外有政府與人民接近之事而無君與民衝突之

事國有長君固係國家之福即有時嗣君以沖齡踐祚亦不至搖動邦基世界立憲國家其政治史蓋可取而覆按也我國若於決定君主立憲國體後使憲政得以實行是有數千年君主之利而無數千年君主之弊政治革新遠軼三五矣此就君主立憲綜合言之而知中國之國體政體舍此更無他道也以上各種理由特就全國國民歷次請願書中所主張舉其較重者言之餘者尙更僕難盡成編具在可以覆徵代行立法院因其言之痛切而有益於事勢也以決諸國民之公意而全國之國民代表亦遂人同此心同此理以相與有成使我五千年聖聖相承之君主國體回復舊觀各強國盛行之立憲政治得所期望猗歟盛哉固係我國民程度之高而以國民組織國家以國民推戴君主開世界最新之特例留歷史無上之光榮試以此次改革與從前征誅之局相較征誅者克以武力彼此不免猜嫌非厲行專制之後難言民意此次改革純出於民意之協同全國上下共此一心憲政之進行法治之國家即可由斯起點再以此次改革與從前揖讓之局相較揖讓之授受終未能出自人民其君民之感孚恐不能異常融洽此次推戴純出於民意之愛戴君民之際不啻家人好民之所好惡民之所惡斷不至稍形隔膜故自君主立憲國體確定以來 今上皇帝以救國救民之業願爲國利民福之良圖於國家根本問題則從速制定憲法定期召集民選之立法機關於國家行政事務則派員調查弊稅爲刷新財政之圖下令考試甄用人才爲延攬賢能之具其附麗於數千年來君主國體之一切弊政如沿用關人採選宮女以及拜跪奔走繁文縟節等等又已 明令聲明概從屏棄永懸厲禁併聲明總期君主稅政悉予掃除等因開國規模權輿於此上年十二月十三日國體既定文武官吏觀賀

皇帝於居仁堂 皇帝面諭臣工謂現在全國人民以我國不適共和議定改建國體爲君主此爲人民心理所趨向予自當以民意爲重已無討論之餘地予被全國人民推戴爲中華帝國皇帝自願實不勝慚悚我國國勢積弱險象四伏如求轉弱爲強殊非易事國家建造之始即當爲久遠大計來日方長更不知有幾許困難大位在身永無息肩之日故皇帝實爲一憂勤惕厲之地位決不可以安富尊榮視之且歷代皇帝子孫鮮有良善結果即平時一切學問職業皆有限制不能自由予今爲救國救民計犧牲一身犧牲子孫亦義不致避惟中國至大國事至重予以一手一足爲力幾何所望大眾同心協力犧牲一切以救國家庶足匡予不逮此次籌備大典務宜刪削繁文不僅吾國歷代繁重之典禮不可蹈襲即世界各君主國現行之典禮苟有稍涉繁重者亦不必採用總之皇帝不過爲國家元首一種尊號至於立國精神全在上下協力堅苦卓絕若

予視皇帝爲尊榮則國家必不保即大衆如視皇帝爲尊榮則國家亦必危自今以後予與國民當共視爲臥薪嘗膽之日惟願各以國家爲重以期共濟艱難若國體既改而於政治不能整理進行不僅予無以對我國民即庶職百司亦皆無以對我國民也等語 天語煌煌羣衆感泣恭繹其義約有數端一國體決定後將來政治進行必有以慰全國人民之希望二犧牲一切以救國則決定國體事件實關於國家之久安長治不關於一姓之安富尊榮三籌備典禮力創繁文必一洗數千年君主秕政之積弊四因國事艱難願萬衆同心協力即爲實行立憲政治之精神此項鄭重宣言求之中西史乘均所罕覩凡我國民均應一心一德仰副聖懷矧自改元洪憲以來首 頒注重師範教育及警察法規之令凡所以爲增進國民智識維持國家公安計者用意至爲深遠而整理財政實行預算制度并以 明令聲明辦事者多節一分糜費即爲國家厚一分財源并即爲吾民養一分物力等因節用愛人之訓充足表示憲政精神至於國家政務應與應革事件現復通盤計畫虛懷採納以期利於民者無不興病於民者無不去唐虞三代之盛軌五洲萬國之隆規如果天佑中華行之十年必有治定功成之日溯自清末失政民罹水火想望治平不可必得良善者坐困閭閻狡黠者輟耕隴上卒因救濟無法終不免以暴易暴之嫌如水益深如火益熱民生憔悴數年於茲今幸空前絕後之法定國民代表大會以全國一致之公誠定萬年不拔之君憲而代行立法院復以全國國民總代表之資格代表國民全體公意再三推戴惟 皇建極國乃永寧從此世際昇平造端伊始國家興替匹夫有責願各竭手足之能成此昌明之運國家幸甚國民幸甚特此通告
洪憲元年一月十日

大律師李焜墀廣告

本律師專以鞏固國法擁護人權鑄強扶弱爲目的現已銷假仍代理北京各級法院民刑訴訟及一切法律凡爲行有諮詢事件可親至宣內象坊橋正北河沿路西蔚公寄廬電話南局一千零三十號本事務所接洽

中國銀行廣告

本行於去年九月間派員赴滇籌設雲南分行並未開辦現在籌備各事均已停止並無對外發行之件如有冒用雲南中國銀行名義發行文件券據者本行概不負責特此聲明

●籌備國民代表大會事務局通告

爲通告事本局此次籌備國民代表大會悉依國民代表大會組織法之規定辦理所有與各監督往來文電均確遵法律不越範圍并隨時送登政府公報本局爲法律上籌備機關業於上年十月十二日呈報籌備進行辦法文內聲明此後國民代表大會之組織既爲國家大法所明定則國民代表之如何選舉亦即爲國家大政之所關國家大政應依法定標準而行所有法定籌備機關及法定監督機關如何執行法律悉應以官文官電爲準此外報紙揭載若於國民代表大會有關事件除係照登業經宣布之官文官電外其或得諸傳聞或出諸懸揣苟有與法定辦法不符之處在各該報紙即無故淆觀聽之心而事關國家根本大計似未便任其訛以傳訛致與代行立法院格外審慎之情有違擬請在國民代表大會籌備進行情內除國民代表大會組織法當然遵守外即組織法所未備者亦以法定之籌備機關監督機關依法發布之官文書爲準其在法律範圍內者各報章如有登載錯誤之處即由各監督轉飭地方官署隨時查明更正等因復於上年十月十六日諫電將上項辦法通電各監督長官又於上年十月十七日籛電以國民代表大會組織法公布以後之私人函電如果在法律範圍之內本非絕對不可採用惟此事既係依法辦理則無論如何運用終不能大遠於立法之精神本局開辦之初即有鑒於此曾經呈明 大總統略稱組織法公布以前之種種議論均以組織法爲歸宿組織法公布以後之種種辦法一以組織法爲標準等因通電各監督長官聲明迅速依法籌備各在案乃自滇事發生後竟有假託本局名義或其他簡人名義捏造電報送登各報者閱之不勝駭異查本局電報上年十月間既已通電聲明以依法發布之官文書爲準此項捏造電報係在原呈所謂不在法律範圍內者之列亟應通電再行聲明應請各監督轉飭地方官署遵照上年通電查明更正以免誤會總之國民代表大會事關國家根本大計各省各特別行政區域監督長官依法辦理既爲地方人民所共見即非一紙電報所能私況各縣初選當選人選舉之調查審查其舉辦時期確在國體請願事件尙未發生以前各該初選區域但有舞弊違法之事本局無不立予依法糾正全案多已載諸政府公報豈能指爲預有操縱之心迨籌備國民代表選舉期內凡所謂依照法定程序及確依法律範圍之電幾於日有數起當其時舉國人心望治若渴汲汲於早定國是或尙不免有以本局拘文牽義爲本局詬病者觀過知仁則本局執行法律之苦衷即可以拘牽而證明其尊重而謂本局敢於法律範圍以外有所行動耶現在各省各特別行政區域

籌辦國民代表選舉投票各項實在情形業准先後咨報冊報到局本局當即隨時分別彙報有案是法定全國國民代表之如何依法選舉如何依法投票辦理者既非一人舉行者復非一地監督本各有責任籌備亦初無成心法律範圍始終恪守檔案具在事實難誣未容以杯弓蛇影之談疑及於舉雨箕風之好除通電聲明假託本局名義暨箇人名義所登非法電報係屬捏造或由各報紙傳聞失實所致應依上年十月十六日本局通電由各監督長官轉飭地方官署查明更正外特此通告

●教育部全國專門以上學校成績品展覽會廣告

逕啟者本會現定於陽曆三月十五日開會四月十四日閉會所有入場券除中央各機關京師各學校由本會函送外其餘欲領券參觀者請向本會事務所接洽為要特此通告

教育部全國專門以上學校成績品展覽會事務所啟

●聲明遺失

本部庫藏司辦事員張應鏞派赴八釐軍需公債會場執事遺失本部一百五十號記章一枚特此聲明作廢

財政部啟

●京兆大宛農工銀行招集商股廣告

本處自設立以來業已遵照農工銀行條例於通縣昌平地方擬辦兩行以資倡導查該兩行開辦後營業極見發達農工兩界非常踴躍而大宛為首善名區此項金融機關自應早日設立使農工業者得沾實惠茲特擬具大宛農工銀行招股章程詳奉財政部批准官商合辦規定股本四十萬元官股二十萬元由部撥發商股二十萬元由公衆招集商股每年正息七釐官股每年正息四釐商股股利倘有不足得以官股股利補充或由政府另籌款項照補如有以公債票入股者亦可變通按照票面實額作為股本凡我大宛紳商富戶應知此項銀行於農工業前途有絕大關係當亦共樂贊成即各處之資本家企業家亦可隨時入股此種營業極形鞏固獲利尤操左券一切優點均詳載章程儘可隨時取閱所有願入股本 諸君務請早日 惠臨先行掛號庶免遲誤此次招集股本係專為辦理大宛兩縣區域而設其餘各處亦正極力逐漸推廣以期普及

北京宣武門內東城根化石橋迤西全國農工銀行籌備處啟

公鑒

北京宣武門內東城根化石橋迤西全國農工銀行籌備處啟

●第一期 第二期 第三期 第四期 **法令全書職員錄價目**

- 一 元年第一期法令全書八冊自臨時政府成立之日起截至元年十二月末日止定價大洋二元五角外埠加郵費洋一角六分
- 一 二年第二期法令全書四冊自二年一月起截至三月末日止定價大洋一元二角外埠加郵費一角一分
- 一 職員錄二冊定價大洋八角外埠加郵費九分
- 一 二年第二期法令全書四冊自二年四月起截至六月末日止定價大洋八角外埠加郵費九分職員錄四冊定價大洋一元外埠加郵費一角一分
- 一 二年第三期法令全書四冊自二年七月起截至九月末日止定價大洋一元二角外埠加郵費一角一分
- 一 二年第四期法令全書五冊定價大洋一元外埠加郵費洋一角一分
- 一 三年第一期法令全書職員錄現已出版法令全書四冊定價大洋一元四角外埠加郵費一角三分職員錄四冊定價大洋一元二角外埠加郵費一角三分
- 一 三年第二期法令全書職員錄現已出版法令全書四冊定價大洋一元六角外埠加郵費一角三分職員錄六冊定價大洋一元四角外埠加郵費一角三分
- 一 三年第三期法令全書四冊定價大洋一元六角外埠加郵費洋一角三分
- 一 三年第四期法令全書四冊定價大洋一元六角外埠加郵費一角三分職員錄六冊定價大洋一元五角外埠加郵費一角三分
- 一 四年第一期法令全書四冊定價大洋一元二角外埠加郵費一角三分職員錄六冊定價大洋一元五角外埠加郵費一角六分
- 一 四年第二期法令全書二冊定價大洋一元外埠加郵費一角一分職員錄六冊定價大洋一元五角外埠加郵費一角六分
- 凡批發四十部以上均照價八折國外郵費另計

● **本局四年第三期法令全書職員錄出版廣告**

本局刊行法令全書職員錄四年第三期現已出版法令全書每部二冊定價大洋一元三角外埠加郵費一角三分職員錄每部六冊定價大洋一元五角外埠加郵費二角二分特此廣告發行所王府井大街政事堂印鑄局發行課

●中國銀行分派股息廣告

啟者本行民國四年營業決算業經核定擬具分配淨利辦法陳由 財政部核准應即查照招股章程分派股息計商股每一股應分正息七釐又分給紅利七釐共合一分四釐其在去年十一月以內繳足股本者從優算給半年紅利十二月以內交足股本者從優算給三個月紅利茲定於本年三月初十起在本行各分行號發給凡入股諸君希即屆期各持本行換股單就近向各分行號查驗相符後領取正息紅利是荷特此佈
達

●北京電話局緊要廣告

啟者現在西城一帶綫額已滿而敝西分局雖籌備一切目下因歐戰未停所有訂購各料亦未能如期運到該處掛號待裝各戶接踵而至但非西局成立後決不能安機即東南城用戶欲移機至西城者以限於號額亦無從移置恐未周知特此廣告

●中國銀行告白

查本行招考預備員練習生章程每年三九兩月考取新生兩次現因去年九月間考取新生額數較多尙未傳到者頗不乏人本屆特停止招考一次特此通告